

Omâhâštipšoi vajoditemkuursah

Kela uárnee omâhâštipšoi vajoditemkuursâid parâkurssân sehe kurssân, moos omâhâštipšoo uásálist ohtuu. Parâkuursân uásálistev omâhâštipšoo já tipšomnáál rävisolmoošomâhâš oovtâst. Vajoditemkuursah, moid omâhâštipšoo uásálist ohtuu, olášuttojeh uásild káidusvajoiditmin.



Kuursah láá uáivildum paijeel 18-ihásáid omâhâštipšoid, kiäh tipšoh jyehi peeivi jieijäs rävisolmoošomâháá, sierânâspárnáá tâi -nuorâ. Omâhâštipšomist šaddee kuormim tiet äššigâs argâtoimâin cevzim tâi toid uásálistem lii hiäjusmum tâi uhkeest hiäjusmuđ. Omâhâštipšooost láá vaibâmmeerhah tâi vaibâm, moh uhkedeh omâhâštipšon juátkim.

Kuursâi ulmen lii adelid omâhâštipšoi torjuu já vuovijd suu eellimtile haaldâšmân já omâhâštipšomist šaddee hástui ibbeerdmân já taiguin cevzimân.

länááš uási kuursâi tooimâst tábáhtuvá juávhust já kuursâ ohjelm meriduvvoo uásálistei ohtâgâslij já juávhu ohtsij uulmij miel. Kurssâohjelm tievâsmittoo táárbu miel ovtâskâs ulmui stivriimijn.

Kuursâin tun finniih

- torjuu jieijâd eellimtilân
- tiäđu já konkreetlijd ravvuid aargâst cevzimân
- naavcâid já kiärgusvuodâid uásálistid maangâpiälálávt sierâ toimáid jieijâd eellimpirrâsist já ohtsâškodeest
- viärdásâštorjuu.

Parâkuursâ olášuttem

Vajodittem olášuttoo 15 mánuppaje ääigi. Kurssâ uárnejuvvoo palvâluspyevtitteijee toimâsaajeest kuulmâ paajeest, main jieškote-uv pištá 5 pirrâmpееivi. Toos lasseen vajodittem ana sistees ohtâvuodâ väldim muuneeld, ovdil ko vajodittem álgá já ohtâvuodâvöldim čuávum tiet vajodittem maŋa. Kuursân puáhtá uásálistid meid ávushäämist ađai jotteeđ toho pääihist.

Vajodittemkursâ olášuttem

Vajodittem uárnejuvvoo palvâluspyevtitteijee toimâsaajeest olášuttum vajodittem já káidusvajodittem (nettivajodittem) kuálusin. Toimâsaajeest olášuttum vajodittem pištá ohtsis 10 pirrâmpееivid já tot uárnejuvvoo kyevti paajeest, moh kuohtuuh pišteh 5 pirrâmpееivi. Poojij kooskâst lii 12 okkod nettivajodittem. Toos lasseen vajodittem ana sistees ohtâvuodâ väldim muuneeld, ovdil ko vajodittem álgá já ohtâvuodâvöldim čuávum tiet vajodittem maŋa. Palvâluspyevtitteijee toimâsaajeest ornimnáál vajodittempajan puáhtá meid uásálistid ávushäämist ađai jotteeđ toho pääihist.

Vajodittem uuccâm

- Teevdi ucâmušluámáttuv KU 132smn huolâlávt. Tun finniih luámáttuv čujottâsâst www.kela.fi/luamattuvah. Čääli ucâmušân jieijâd sanijguin, ete mondiet tun tarbâšah vajodittem já jieijâd ulme vajoditmân. Tooimât uuccâmluámáttuv Kelan.
- Ucâmuš lahtosin ij taarbâš tuáhtárčiälkkámuš tâi eres lahtosijd.
- Ko tun uusah vajodittemkursân, te tooimât vajodittem aalgâst palvâluspyevtitteijei kopio jieijâd tipšomuštâlusâst, mon tun finniih ton tiervâsvuodâhuolâttâs ohtâduvâst, mii tipšo tuu. Ko tun uusah parâkuursân, te tooimât tipšomuštâluskopio meid tipšomnáál aldaomâháá tiervâsvuodâtiileest.

Vajodittem lii nuuvtá já toos puáhtá uuccâđ pirrâ ive. Jis tun lah pargoelimist, te tun puávtáh finnid tuu vajodittem ääigist vajodittemruodâ. Kela sajanmáksá meid vajoditmist šoddâm mätkikoloid.

Kuursah uárnejuvvojeh suomâkielân já taid tulkkojeh táárbu miel jieškote-uv sâmiikielân.

Lasetiäđuh kursâst:
www.kela.fi/samikielalij-vajodittem